



UNIVERSITÄTS-
BIBLIOTHEK
PADERBORN

Universitätsbibliothek Paderborn

Tractatio Synoptica De Iudiciis Ad Lib: II. Decretal: Gregorii IX.

Herberstein, Ferdinand von
Tabarelli de Fatis, Donato Vincenzo

Spirens., 1660

14. Qui jurisdictionem prorogare possint? quâ jurisdictione iudex prorogatus pollere debeat, & quae alia requisita ad prorogationem iudicis?

urn:nbn:de:hbz:466:1-11416

Sed & alia quædam habent interpretes, quæ imperio attribuunt, qualia sunt sequestratio rei litigiosæ: delatio jurisjurandi in litem. *Rectè ne? Non puto*, pertinent enim ad officium pedanei, neque ulla in his mixti imperii particula. *L. 7. §. ult. ff. qui satisdare. cog. L. 5. ff. Fam. excisc.*

13. Est & alia jurisdictio voluntaria; alia contentiosa: illius exemplo suppetunt adoptiones, emancipationes, manumissiones, &c. *L. 2. & 3. de off. Procon.* Huius legitima iudicia, quæ per tres personas, actorem, reum, & Judicem ordinantur. *L. inter stipul. 83. §. 1. ff. de V. O.* Harum specierum differentia est: Contentiosa tribunal exigit & fit cum strepitu. Voluntaria plerumq; de plano expeditur: Sella ubicunq; loco tamen æquo & plano posita. Excipitur alienatio prædiorum minoris, manumissio, quam faciebat minor annis 20. adrogatio impuberis, quæ tribunal desiderant. *arg. tit. ff. & C. de reb. min.*

14. Subjiciunt se jurisdictioni, qui scientes alium, qui jurisdictioni præest, pro alio adeunt. *L. privatorum 3, C. de jurisd: om. jud.* Si per errorem alius pro alio aditus fuerit,

fuerit, nihil valebit, quod actum est. *L. si per errorem. 15. ff. de jurisd.* Idem si is fuerit aditus, qui jurisdictioni non præest: quia privatorum consensus non potest facere Judicem eum, qui jurisdictionem nullam habet. *L. 3. C. eod: L. 1. & L. penul: ff. de jud.* hanc subjectionem interpretes passim prorogationem vocant, & jurisdictionem prorogatam. Et quidem jurisdictionem debet habere ordinariam, non tantum delegatam ad certam causam. *capit. 40. de off. deleg: juncta Gl.* hæc enim jurisdictio non extenditur de personâ in personam, licet inter easdem personas, quarum causa delegata sit, extensio fieri possit, de tempore ad tempus, aut de loco ad locum. Sed & opus est, ut Judex prædit⁹ sit jurisdictione simili, seu eiusdem generis *Tusc. ver. prorogatio. conclus: 927.* Si enim simplicem tantum jurisdictionem gerat, & in causis civilibus cognoscat, non poterit ad eum deferri causa criminalis, aut meri imperii. Iterum ut non tantum sciens sed etiam liberè volens se quis subjiciat alieno Judici, quia si aliquis ideo coram Judice respondeat, putans se subjectum esse, cum non

fit, non valet, quod agitur; quia non consentiunt qui errant *cit. L. si per errorem*; Ad quod tamen sufficit consensus tacit^o, si qui facto fit. v. g. litis contestatione. *Tusc. ver. jurisdictio concl: 561.* Denique requiritur, ut lex prorogationem non prohibeat. *L. 1. & 2. ff. de jud. Tusc: concl: cit. 927.* ea enim à lege originem & vim suam habet. Atq; hæc permissio extendit se tantum ad Judices sub eodem Principatu, quandoquidem parum interest Principis à quo Præsede eius subditi judicentur.

15. Clericis tamen permissum non est, ut absq; consensu Episcopi seu Ordinarii sui, alterius Ecclesiastici Prælati etiam Metropolitanæ jurisdictioni se subjiciat. *ea significasti. 18. de foro comp. cap. 1. eodem tit. in 6.* Idque ob maiorem obligationem, quàm Clerici, præsertim beneficiati ergà Episcopum suum gerunt. Quâ ratione etiam causæ Feudales coram Domino Feudi tractari debent: *cap. cæterum. 5. de jud: & alteri^o jurisdictioni subjici non possunt.* Idque sive vasalli Clerici sint, sive laici. *cap. verum. 7. de foro comp.*

16. Sed neque in foro Sacramenti Pœniten-

niten-